

Izveštaj o radu Uprave policije MUP-a Kantona Sarajevo za mjesec novembar 2022.godine

KRIMINALITET

STATISTIČKI POKAZATELJI

U mjesecu novembru 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 330 događaja sa obilježjem krivičnog djela (što je za 33 ili 9,1% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 151 ili 45,8% je evidentirano po poznatom izvršiocu, a 179 ili 54,2% po nepoznatom izvršiocu.

Od ukupno 179 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 72 događaja ili 40,2% što je za 23% više u odnosu na uporedni mjesec.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 203 obavijesti (deset više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU NOVEMBRU 2022./21. GODINE

| mjesec | Broj događaja sa obilježjem krivičnog djela | | | Broj naknadno rasvijetljenih događaja evidentiranih po nepoznatom izvršiocu | | Broj evidentiranih lica | | | Broj lica lišenih slobode |
|------------------------------|---|-----------------------|-----------------|---|----------------------------|-------------------------|--------------|------------|---------------------------|
| | Ukupno | od toga | | Ukupno | od toga iz ranijeg perioda | Ukupno | od toga | | |
| | | po poznatom izvršiocu | po NN izvršiocu | | | | maloljetnici | povratnici | |
| NOVEMBAR 2022. GODINE | 330 | 151 | 179 | 72 | 39 | 214 | 12 | 131 | 78 |
| NOVEMBAR 2021. GODINE | 363 | 183 | 180 | 31 | 26 | 213 | 5 | 108 | 63 |
| <i>uporedba</i> | -33 | -32 | -1 | 41 | 13 | 1 | 7 | 23 | 15 |
| | -9,1% | -17,5% | -0,6% | 132,3% | 50% | 0,5% | 140% | 21,3% | 23,8% |

U toku mjeseca novembra ove godine prijavljeno je 214 lica (jedno više), od kojih je 131 povratnik (23 više) (ili 61,2% od ukupnog broja prijavljenih lica), 12 maloljetnika (sedam više), a 78 lica je lišeno slobode (15 više).

Za događaje sa obilježjem krivičnog djela, koji su evidentirani u mjesecu novembru 2022. godine, prema izjavama oštećenih lica, nastupila je materijalna šteta u ukupnom iznosu od 1.181.173,90 KM, 600,00 € i 35.000,00 \$.

TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU NOVEMBRU 2022./21. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZ BiH

| KZ FBiH-a i KZ BiH-a | NOVEMBAR 2022. GODINE | NOV. 2021. GOD. | uporedba ukupnog broja događaja sa obilježjem krivičnog djela | | broj događaja po poznatom izvršiocu | broj događaja po NN izvršiocu | ukupan broj naknadno rasvjetljenih događaja | |
|---|-----------------------------|-----------------------|--|--------|---|--|--|-------|
| | | | + / - | % | | | broj | % |
| Protiv života i tijela | 17 | 24 | -7 | -29,2% | 15 | 2 | 1 | 50% |
| Protiv slobode i prava čovjeka i građanina | 32 | 27 | 5 | 18,5% | 27 | 5 | 5 | 100% |
| Protiv spolne slobode i morala | 3 | 1 | 2 | 200% | 3 | 0 | 0 | --- |
| Protiv braka, porodice i mladeži | 19 | 24 | -5 | -20,8% | 19 | 0 | 0 | --- |
| Protiv zdravlja ljudi | 38 | 21 | 17 | 81% | 38 | 0 | 0 | --- |
| Protiv imovine | 183 | 224 | -41 | -18,3% | 21 | 162 | 65 | 40,1% |
| Protiv opće sigurnosti ljudi i imovine | 10 | 4 | 6 | 150% | 2 | 8 | 1 | 12,5% |
| Protiv sigurnosti javnog prometa | 5 | 11 | -6 | -54,5% | 5 | 0 | 0 | --- |
| Protiv pravosuđa | 1 | 1 | 0 | isto | 0 | 1 | 0 | 0% |
| Protiv javnog reda i pravnog prometa | 12 | 14 | -2 | -14,3% | 11 | 1 | 0 | 0% |
| Protiv podmićivanja i KD protiv službene i druge odgovorne funkcije | 0 | 8 | -8 | --- | 0 | 0 | 0 | --- |
| Krivična djela protiv privrede i jedinstva tržišta te KD iz oblasti carina (KZBiH) | 0 | 1 | -1 | --- | 0 | 0 | 0 | --- |
| Dogovor, pripremanje, udruživanje i organizirani kriminal (KZBiH) | 4 | 0 | 4 | --- | 4 | 0 | 0 | --- |
| ZONDINOIM-a (Sl.novine KS br.01/18) | 6 | 3 | 3 | 100% | 6 | 0 | 0 | --- |
| UKUPNO | 330 | 363 | -33 | -9,1% | 151 | 179 | 72 | 40,2% |

U mjesecu novembru 2022. godine u odnosu na isti mjesec prethodne godine, zabilježeno je smanjenje broja registrovanih događaja sa obilježjem krivičnog djela za 33 ili 9,1%. Smanjenja su zabilježena u oblasti protiv imovine (za 41 događaj), života i tijela (za sedam) sigurnosti javnog prometa (za šest), braka, porodice i mladeži (za pet), itd. dok su povećanja evidentirana u oblastima protiv zdravlja ljudi (za 17 događaja), opće sigurnosti ljudi i imovine (za šest), slobode i prava čovjeka i građanina (za pet), itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U mjesecu novembru 2022. godine evidentirano je 17 događaja sa obilježjem krivičnog djela iz oblasti protiv života i tijela (sedam manje u odnosu na mjesec novembar 2021. godine) i to 15 po poznatom i dva po nepoznatom izvršiocu. Evidentirani su slijedeći događaji:

- teška tjelesna ozljeda (član 172. KZ FBiH) – četiri,
- lahka tjelesna ozljeda (član 173. KZ FBiH) – 13 događaja.

Nadležnom tužilaštvu podneseni su službeni izvještaji protiv 16 lica, od kojih je osam povratnika (ili 50%), jedan maloljetnik i jedno lice je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 32 događaja sa obilježjem krivičnog djela (pet više) i to ugrožavanje sigurnosti, za čije je izvršenje prijavljeno 38 lica, od kojih je 16 povratnika (ili 42,1%), četiri maloljetnika, a pet lica je lišeno slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu novembaru evidentirano je 19 događaja sa obilježjem krivičnog djela (pet manje) i to: nasilje u porodici – 18 i oduzimanje djeteta ili maloljetnika - jedan događaj, za čije je izvršenje prijavljeno 19 lica, od kojih je 11 povratnika (ili 57,9%), a 13 je lišeno slobode.

PROTIV ZDRAVLJA LJUDI

Evidentirano je 38 događaja sa obilježjem krivičnog djela iz ove oblasti (17 više) i to:
- neovlašćena proizvodnja i stavljanje u promet opojnih droga (čl. 238. KZ FBiH) – sedam i
- posjedovanje i omogućavanje uživanja opojnih droga (čl. 239. KZ FBiH) – 31 događaj.

Nadležnom tužilaštvu podneseni su službeni izvještaji protiv 38 lica, među kojima je 26 povratnika (ili 86,7%) i 20 lica lišeno je slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv sedam lica zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“, „Heroin“ od za sada nepoznatih lica, na raznim lokalitetima, istu čuvali i prepakivali, a zatim vršili prodaju raznim konzumentima na području Kantona, čime bi počinio krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 31. lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, "Speed", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU NOVEMBRU 2022./21. GODINE

| VRSTA OPOJNE DROGE | novembar 2022. godine | novembar 2021. godine |
|-----------------------------------|-----------------------|-----------------------|
| Marihuana (paketići) | 39 | 2 |
| Marihuana (u gramima) | 683,185 | 238,362 |
| Heroin (u gramima) | 1 | 5 |
| Heroin (paketići) | 1 | --- |
| Amfetamin (paketići) | 50 | --- |
| Amfetamin (u gramima) | 639,342 | 173 |
| Extazy (tablete kom.) | 98 | 138 |
| Extazy (u gramima) | --- | 20,378 |
| Speed (u gramima) | --- | 2,647 |
| Speed (paketići) | 6 | --- |
| Hašiš (u gramima) | 3,685 | 2 |
| pribor sa ostacima droge (komada) | 7 | 10 |

PROTIV IMOVINE

U ovom mjesecu, evidentirana su 183 događaja sa obilježjem krivičnog djela protiv imovine (21 po poznatom i 162 po nepoznatom izvršiocu) što je za 41 ili 18,3% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 91 (16 manje),
- krađa (član 286. KZ FBiH) – 56 (jedan manje),
- oštećenje tuđe stvari (član 293. KZ FBiH) – 14 (sedam manje),
- razbojništvo (član 289. KZ FBiH) – sedam (19 manje),
- utaja (član 290. KZ FBiH) – šest (pet više),
- prijevvara (član 294. KZ FBiH) – dva (četiri manje), itd.

Nadležnom tužilaštvu podneseni su službeni izvještaji protiv 75 lica, od kojih su 63 povratnika (ili 84%), a 30 je lišeno slobode.

Od ukupno 162 događaja evidentiranih po nepoznatom izvršiocu iz oblasti protiv imovine naknadno je rasvijetljeno 65 događaja ili 40,1% što je za 23,6% više u odnosu na novembar 2021. godine.

Tokom mjeseca novembra ove godine 33 teške krađe izvršene su u poslovnim prostorima (deset više), 30 u motornim vozilima (otuđenja motornih vozila i “provale” u ista) (jedna manje) 26 u stambenim objektima (15 manje), itd.

Evidentirano je osam otuđenja putničkih motornih vozila što je za dva ili 20% manje u odnosu na uporedni mjesec.

U mjesecu novembru 2022. godine, pronađeno je i vraćeno jedno motorno vozilo od strane vlasnika.

Evidentirano je 56 događaja sa obilježjem krivičnog djela krađe (jedan manje) i to: na ulici – 21 puta, u prodavnicama – 14, u stambenim objektima – osam, vozilima GRAS-a- pet, na benzinskim pumpama – tri, itd. odakle su otuđivani mobiteli, novčanici, prehrambeni proizvodi, bicikli, električni skuteri, plinske boce, gorivo, itd.

Nadležnom tužilaštvu podneseni su službeni izvještaji protiv 17 lica, od kojih je 14 povratnika u činjenju krivičnih djela ili 82,4%, a sedam je lišeno slobode.

Evidentirana su četiri događaja sa obilježjem krivičnog djela teških krađa na naročito opasan ili naročito drzak način (tri manje), u kojima su izvršioc, upotrebom fizičke snage (otimanjem i trganjem) otimali torbe, mobitele i nakit. Svi ovi događaji evidentirani su na ulici.

Nadležnom tužilaštvu podneseni su službeni izvještaji protiv četiri lica, povratnika u činjenju krivičnih djela, koji su lišeni slobode.

U mjesecu novembru ove godine evidentirano je sedam događaja sa obilježjem krivičnog djela razbojništva (19 ili 73,1% manje) i to u nadležnosti slijedećih organizacionih jedinica Uprave policije: PU Ilidža - tri (jedan manje), Sektor kriminalističke policije – dva (isto), PU Centar - jedan (dva manje) i PU Novi Grad – jedan događaj (tri manje).

U mjesecu novembru ove godine naknadno su rasvijetljena četiri razbojništva ili 57,1% što je za 40,4% više u odnosu na uporedni mjesec. Nadležnom tužilaštvu podneseni su službeni izvještaji protiv šest lica, od kojih je pet povratnika u činjenju krivičnih djela (83,3%), a tri lica su lišena slobode.

Razbojništva su izvršena prijetnjom upotrebe pištolja – dva i prijetnjom upotrebe noža ili drugog oštrog predmeta – pet puta, a počinjena su na ulici – pet puta i u sportskoj kladionici – dva, pri čemu je otuđen novac i mobiteli.

PROTIV OPĆE SIGURNOSTI LJUDI I IMOVINE

Iz ove oblasti evidentirano je deset događaja (šest više) i to: izazivanje opće opasnosti – devet i teška krivična djela protiv opće sigurnosti ljudi i imovine - jedan događaj, a nadležnom tužilaštvu podneseni službeni izvještaji protiv tri lica.

Događaji sa obilježjem krivičnog djela izazivanje opće opasnosti evidentirani su na otvorenom prostoru – šest puta i u ugostiteljskom objektu – tri, pri čemu je u dva slučaja bačena i aktivirana nepoznata eksplozivna naprava, šest puta je otvorenim plamenom izazvan požar i u jednom slučaju pucano je iz vatrenog oružja. Posljedice su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 12 događaja sa obilježjem krivičnog djela (dva manje) i to: nasilničko ponašanje – četiri događaja, nedozvoljene držanje oružja ili eksplozivnih materija i krivotvorenje isprave – po tri, sprječavanje službene osobe u obavljanju službene radnje i napad na službenu osobu u vršenju poslova sigurnosti – po jedan događaj.

Nadležnom tužilaštvu podneseni su službeni izvještaji protiv 12 lica.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu novembru 2022. godine evidentirano je devet događaja sa obilježjem krivičnog djela, u kojima je učestvovalo 12 maloljetnih lica. U odnosu na isti mjesec 2021. godine povećan je broj maloljetnih lica za sedam ili 140%, a broj događaja sa obilježjem krivičnog djela za pet ili 125%. Prijavljeni maloljetnici su u dobi do 16 godina – devet, od 16 do 18 godina – tri, a tri su povratnika.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU NOVEMBRU 2022/2021. GODINE

| mjesec | Broj događaja sa obilježjem krivičnog djela | Broj evidentiranih maloljetnih lica | Broj povratnika |
|-----------------------|---|-------------------------------------|-----------------|
| NOVEMBAR 2022. GODINE | 9 | 12 | 3 |
| NOVEMBAR 2021. GODINE | 4 | 5 | 1 |
| uporedba | +5 ili 125% | +7 ili 140% | +2 ili 200% |

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA NOVEMBAR 2022/2021. GODINE

| događaji sa obilježjem krivičnog djela (KZ FBiH) | novembar 2022. | novembar 2021. |
|--|----------------|----------------|
| lahka tjelesna ozljeda | 2 | --- |
| teška tjelesna ozljeda | 1 | 2 |
| ugrožavanje sigurnosti | 1 | --- |
| posjedovanje i omog. uživanja opojnih droga | 2 | --- |
| teška krađa | --- | --- |
| teška krađa u pokušaju | 1 | --- |
| napad na službenu osobu u vršenju poslova sig. | 1 | --- |
| lažno prijavljivanje | --- | 2 |
| nasilničko ponašanje | 1 | --- |

| | | |
|--------|---|---|
| UKUPNO | 9 | 4 |
|--------|---|---|

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca novembra 2022. godine na području Kantona Sarajevo evidentirana su dva događaja aktiviranja minsko-eksplozivnih sredstava (nije bilo u novembru 2021. godine), usljed čega je nastupila materijalna šteta. Identifikovan je jedan učinilac, protiv istog preduzete su zakonske mjere.

U toku mjeseca novembra 2021. godine evidentirane su četiri anonimne dojave o postavljenoj eksplozivnoj napravi (jedna u novembru 2021. godine), a odnosile su se na Vrhovni, Kantonalni, Općinski sud i firmu Unis Fagas doo. Nakon KDZ pregleda utvrđeno je da su dojave bile lažne, a preduzimaju se aktivnosti na rasvjetljavanju ovih događaja i pronalaženju učinilaca.

POŽARI

Tokom mjeseca novembra 2022. godine, na području Kantona Sarajevo registrovano je 12 požara (dva više u odnosu na isti mjesec prethodne godine), koji su za posljedicu imali materijalnu štetu. Prema statističkim pokazateljima, četiri požara su izazvana nehatom, dva namjerno, dva zbog tehničkih nedostataka, dok uzroci četiri požara spadaju u kategoriju ostalih.

Požari su registrovani u:

- Saobraćajnom sredstvu - pet puta,
- Stambenom objektu - dva,
- Pomoćnom objektu - dva,
- Ostalim objektima - tri puta.

Zbog izazivanja požara nadležnom tužilaštvu podneseno je šest službenih izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu novembru 2022. godine na području Kantona Sarajevo registrovana su dva samoubistva (isto kao u novembru prošle godine), koja su izvršena: vješanjem i trovanjem. Muškarac je starosti 40 godina, dok je osoba ženskog spola starosti 56 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je pet pištolja, tri noža, 55 komada municije različitog kalibra i jedan predmet podoban za nanošenje tjelesnih ozljeda.

Fizičkim licima izdata su 184 odobrenja za nabavku vatrenog oružja i 110 oružnih listova.

JAVNI RED I MIR

U toku mjeseca novembra 2022. godine u oblasti protiv javnog reda i mira evidentirano je 428 prekršaja (104 ili 32,1% više u odnosu na isti mjesec 2021. godine), a za izvršenje navedenih prekršaja prijavljeno je 466 lica (126 ili 37,1% više), od čega je 77 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 315 naloga i podneseno je 113 zahtjeva za pokretanje prekršajnog postupka. Na prekršaje utvrđene Zakonom o prekršajima protiv javnog reda i mira odnosi se 415 prekršaja (ili 97%), a na prekršaje koji su utvrđeni Odlukom općinskih vijeća o javnom redu i miru 13 (ili 3%). Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (222), između 26 i 35 godina (140), između 19 i 25 godina (101) i do 18 godina - tri.

Prilikom narušavanja javnog reda i mira u mjesecu novembru 2022. godine, nije bilo teže povrijeđenih lica (isto kao u novembru 2021. godine), dok je 12 lica (isto u novembru 2021. godine) lakše povrijeđeno.

Iz tabelarnog pregleda vidljivo je da je najveći broj prekršaja evidentirano u PS Centar (84 ili 19,6% od ukupnog broja), a najmanje u PS Trnovo – jedan prekršaj.

U toku mjeseca novembra 2022. godine, u odnosu na isti mjesec 2021. godine neznatno smanjenje broja evidentiranih prekršaja evidentirano je u PS Novo Sarajevo, a u PS Trnovo ostao je isti broj prekršaja, dok je u ostalim Policijskim stanicama evidentirano povećanje broja prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC NOVEMBAR 2022/2021.GODINA

| STRUKTURA PREKRŠAJA | novembar 2022. | novembar 2021. | + - % | |
|---|----------------|----------------|-----------|-------|
| UKUPNO NALOGA I ZAHTJEVA | 428 | 324 | +104 | 32,1% |
| UKUPNO LICA | 466 | 340 | +126 | 37,1% |
| Prekršaji iz Zakona o prekršajima protiv JRiM: | 415 | 293 | +122 | 41,6% |
| -Tuče | 37 | 28 | +9 | 32,1% |
| -Naročito drsko ponašanje | 71 | 41 | +30 | 73,2% |
| -Odbijanje naređenja i omalov. policijskih službenika | 29 | 20 | +9 | 45% |
| -Svađa, vika, nepristojno ponašanje | 19 | 13 | +6 | 46,1% |
| -Uživanje opojne droge na javnom mjestu | 24 | --- | +24 | --- |
| -Neovlaštena upotreba oružja | 1 | 1 | isti broj | --- |
| -Paljenje petardi | --- | --- | --- | --- |
| -Prosjačenje | 156 | 122 | +34 | 27,9% |
| -Ostali prekršaji iz Zakona o prekrš. protiv JRiM | 78 | 68 | +10 | 14,7% |
| Prekršaji prema Odluci OV o JRiM | 13 | 31 | -18 | 58,1% |

Iz tabelarnog pregleda vidljivo je, da je tokom mjeseca novembra 2022. godine, u odnosu na novembar prethodne godine prema strukturi prekršaja povećan broj:

- prosjačenja za 34 ili 27,9%,
- naročito drskog ponašanja za 30 ili 73,2%
- uživanja opojne droge na javnom mjestu za 24 prekršaja,
- ostalih prekršaja za 10 ili 14,7%,

- odbijanje naređenja i omalovažavanje policijskih službenika za devet ili 45%,
- tuča za devet ili 32,1% i
- svađa, vika, nepristojno ponašanje za šest ili 46,1%,
dok je smanjen broj:
- prekršaja koji su regulisani Odlukom općinskih vijeća za 18 ili 58,1%,

Broj evidentiranih prekršaja neovlaštene upotrebe oružja ostao je isti.

Prema vrsti prekršaja, najbrojniji su sljedeći prekršaji: prosjačenje (156 ili 36,4% od ukupnog broja), naročito drsko ponašanje (71 ili 16,6%), tuče (37 ili 8,6%) odbijanje naređenja i omalovažavanje policijskih službenika (29 ili 6,8%), uživanje opojne droge na javnom mjestu (24 ili 5,6%), svađa, vika, nepristojno ponašanje (19 ili 4,4%) i neovlaštena upotreba oružja – jedan prekršaj. Takođe, evidentirano je 78 prekršaja iz kategorije ostali prekršaji i 13 prekršaja koji su regulisani Odlukom općinskih vijeća.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (395 ili 92,3% od ukupnog broja), a znatno manje u ugostiteljskim objektima – 10, u vozilima javnog saobraćaja – dva i na ostalim mjestima 21 prekršaj.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC NOVEMBAR 2022/2021. GODINE

| MJESTO IZVRŠENJA | novembar 2022. | novembar 2021. | uporedba |
|---------------------------------|----------------|----------------|----------------|
| Ulice i drugi otvoreni prostori | 395 | 225 | +170 ili 75,5% |
| Ugostiteljski objekti | 10 | 7 | +3 ili 42,8% |
| Sportski stadioni i dvorane | --- | --- | --- |
| Vozila javnog saobraćaja | 2 | 1 | +1 ili 100% |
| Škole i školska dvorišta | --- | --- | --- |
| Trgovinske i zanatske radnje | --- | 66 | -66 |
| Ostala mjesta | 21 | 25 | -4 ili 16% |
| UKUPNO | 428 | 324 | +104 ili 32,1% |

U odnosu na isti mjesec 2021. godine, povećan je broj prekršaja evidentiranih na ulici i drugim otvorenim prostorima za 170 ili 75,5%, u ugostiteljskim objektima za tri ili 42,8% i vozilima javnog saobraćaja za jedan prekršaj, dok je smanjen broj prekršaja u trgovinskim i zanatskim radnjama za 66 i na ostalim mjestima za četiri ili 16% .

Na području Kantona Sarajevo u mjesecu novembru 2022. godine održana su 243 javna skupa (54 ili 28,6% više u odnosu na mjesec novembar 2021. godine). Policijski službenici Uprave policije proveli su planske aktivnosti za bezbjedno održavanje javnih skupova i izvršili 50 KDZ osiguranja.

SAOBRAĆAJ

Na području Kantona Sarajevo u mjesecu novembru 2022. godine registrovane su 873 saobraćajne nezgode (259 ili 42,2 % više), od čega su 802. sa materijalnom štetom (260 ili 48 % više) i 71. sa nastradalim licima (jedna ili 1,4 % manje).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU NOVEMBRU 2022./21. GODINE

| | novembar 2022 | novembar 2021 | Uporedba |
|--|------------------|------------------|------------------|
| UKUPNO SAOBRAĆAJNIH NEZGODA | 873 | 614 | + 259 ili 42,2 % |
| Saobraćajne nezgode sa nastradalim licima | 71 | 72 | - 1 ili 1,4 % |
| Saobraćajne nezgode sa materijalnom štetom | 802 | 542 | + 260 ili 48 % |
| POGINULO LICA | 0 | 3 | - 3 |
| - vozači | 0 | 2 | - 2 |
| - putnici | 0 | 0 | ----- |
| - pješaci | 0 | 1 | - 1 |
| POVRIJEĐENO LICA | 79 | 84 | - 5 ili 5,9 % |
| - vozači | 35 | 38 | - 3 ili 7,9 % |
| - putnici | 16 | 23 | - 7 ili 30,4 % |
| - pješaci | 28 | 23 | + 5 ili 21,7 % |

U naselju su registrovane 784 saobraćajne nezgode (65 sa povrijeđenim licima i 719 sa materijalnom štetom), van naselja 89 nezgoda (šest sa povrijeđenim licima i 83 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU NOVEMBRU 2022. GODINE (U NASELJU I VAN NASELJA)

| SAOBRAĆAJNE NEZGODE | SA NASTRADALIM LICIMA | | | SA MATERIJALNOM ŠTETOM | UKUPNO | POSLJEDICE | | |
|------------------------|---------------------------|---------------------------|-----------|------------------------------|------------|---------------------------|-----------------------------------|------------------------------------|
| | sa poginulim licima | sa povrijeđenim licima | | | | broj poginulih lica | broj teže povrijeđenih lica | broj lakše povrijeđenih lica |
| | | teže | lakše | | | | | |
| U naselju | | 15 | 50 | 719 | 784 | | 17 | 55 |
| Van naselja | | 1 | 5 | 83 | 89 | | 1 | 6 |
| Ukupno | | 16 | 55 | 802 | 873 | | 18 | 61 |

Prema kategoriji puta, najveći broj saobraćajnih nezgoda registrovan je:

- na ulicama u naselju - 629 nezgoda u kojima su 54 lica povrijeđena (17 teže i 37 lakše),
- na magistralnim putevima - 96 (10 lica povrijeđeno, jedno teže i devet lakše),
- na lokalnim putevima - 66 (tri lica lakše povrijeđena),
- na regionalnim putevima - 38 (dva lica lakše povrijeđena),
- na putevima koji se ubrajaju u kategoriju ostalih - 44 (10 lica lakše povrijeđeno).

POSLJEDICE SAOBRAĆAJNIH NEZGODA

Tokom mjeseca novemba 2022. godine, u saobraćajnim nezgodama na području Kantona Sarajevo 79 lica je povrijeđeno (pet ili 5,9 % manje), od čega 18 teže (10 ili 125 % više) i 61. lakše (15 ili 19,7 % manje). Poginulih lica nije bilo (u istom mjesecu prošle godine tri lica u poginula).

LICA POVRIJEĐENA U SAOBRAĆAJNIM NEZGODAMA

Od ukupno 79 povrijeđenih lica u mjesecu novembru 2022. godine, evidentirano je: 35 vozača (tri teže i 32 lakše), 16 putnika (dva teže i 14 lakše) i 28 pješaka (13 teže i 15 lakše).

Starosna struktura nastradalih lica u saobraćajnim nezgodama je slijedeća:

- ispod šest godina - tri lica,
- od 6 do 17 godina - 13,
- od 18 do 20 godina - sedam,
- od 21 do 24 godine - 11,
- od 25 do 30 godina - 10,
- od 31 do 40 godina - 12,
- od 41 do 50 godina - sedam,
- od 51 do 65 godina - devet,
- 66 i više godina - šest,
- Nepoznata starosna dob - jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - 10 lica,
- od 23 do 30 godina - sedam,
- od 30 do 40 godina - osam,
- od 40 do 50 godina - četiri,
- od 50 do 60 godina - jedno lice,
- 60 i više godina - tri,
- Nepoznata starosna dob - dva lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 116 (24 lica povrijeđena, dva teže i 22 lakše),
- uticaj alkohola - dvije nezgode (bez nastradalih lica),
- ostali uzroci - 755 (55 lica povrijeđeno, 16 teže i 39 lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca novembra 2022. godine, policijski službenici Uprave policije MUP-a Kantona Sarajevo kontrolisali su:

- 22.143 vozila i vozača (3.348 više),
- 7.609 lica u vozilima (2.501 više),
- pregledali 555 vozila (44 manje) i 434 lica u vozilima (28 manje).

Zbog tehničke neispravnosti iz saobraćaja je isključeno 41. vozilo (11 manje), 472 vozača su zatečena da upravljaju vozilom pod dejstvom alkohola (111 više), 512 lica bez korištenja sigurnosnog pojasa (35 više), 143 vozača bez položenog vozačkog ispita (19 manje), 51 vozač pod izrečenom zaštitnom mjerom (30 manje), 511 vozača je zatečeno da koriste mobitel tokom vožnje (211 više) i 339 vozila koja su učestvovala u saobraćaju bez važeće registracije (173 više).

Zbog kršenja propisa iz oblasti sigurnosti saobraćaja uručen je 22.801 prekršajni nalog vozačima (4.679 ili 25,8 % više u odnosu na mjesec novembar prošle godine) i podneseno 317 zahtjeva za pokretanje prekršajnog postupka (57 ili 21,9 % više).

Tokom mjeseca novembra 2022. godine, nije bilo oduzimanja motornih vozila od višestrukih povratnika u vršenju prekršaja iz oblasti ZOOBS-a.

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca novembra 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 12.250 prekršajnih naloga (2.073 više), upozoreno je 169 vozača (57 manje), a specijalnim vozilom "pauk" premješteno je 126 vozila (50 manje).

Takođe, pješacima koji su kršili propise uručena su 184 prekršajna naloga (56 više), a upozoreno je 28 pješaka (19 više).

ZAKONITOST U RADU

Tokom mjeseca novembra 2022. godine, registrovana su dva napada na policijske službenike Uprave policije MUP-a Kantona Sarajevo. Napadači su koristili fizičku snagu i tom pilikom je jedan policijski službenik lakše povrijeđen.

Policijski službenici Sektora za policijsku podršku su u dva slučaja opravdano upotrijebili fizičku silu i policijsku palicu, dana 06. 11. 2022. godine prema više NN lica.

Razmatrano je 40 predstavljanja na rad policijskih službenika. Nakon razmatranja Odbor za žalbe javnosti Skupštine Kantona Sarajevo donio je zaključak da se za 10 predstavljanja (isti broj) provede unutrašnja istraga, za 28 predstavljanja je odlučeno da se izvrše provjere i prikupi dokumentacija, dok je u dva slučaja predstavljanje bila neosnovana.

Od 40 razmatranih predstavljanja, 27 je podneseno od strane građana, dok 13 predstavljanja predstavljaju saznanja iz službe.

Okončano je 17 unutrašnjih istraga među kojima je 10 osnovanih, četiri istrage su neosnovane, u dva slučaja interni postupak je prekinut do okončanja krivičnog postupka ili krivične istrage, dok je u jednom slučaju postupak obustavljen.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su i tokom mjeseca novembra 2022. godine provodili aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policijci u zajednici su pratili poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici. S tim u vezi, obilazili su i kontaktirali žrtve nasilja kao i nasilnike, kako bi osigurali poštivanje izrečenih mjera, veći stepen sigurnosti za žrtve i preventivno djelovanje na eventualno ponavljanje nasilja.

U mjesecu novembru održane su 82 edukativne radionice za učenike osnovnih i srednjih škola na području Kantona Sarajevo sa slijedećim temama:

- „Djeca u saobraćaju“,
- „Stop vršnjačkom nasilju“,
- „Cyberbullying“,
- „Oružje ne štiti, oružje ubija“,
- „Stop drogama“,
- „Lopov uvijek bude otkriven“ i
- „Prevenција maloljetničkog prijestupništva – prave i obaveze“.

Navedenim edukacijama prisustvovao je 2.571 učenik (2.490 učenika iz osnovnih i 81 učenik srednjih škola) i 80 roditelja.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo, u mjesecu novembru 2022. godine, u prihvatnim, azilantskim i imigracionim centrima boravi cca 1.215 migranata (107 ili 8,1% manje u odnosu na novembar 2021. godine).

Tokom mjeseca novembra 2022. godine migranti su učestvovali u tri događaja sa obilježjem krivičnog djela (dva ili 40% manje) i to:

- Krađa (čl. 286. KZ FBiH) – dva i
- Oštećenje tuđe stvari (čl. 293. KZ FBiH) – jedan događaj

Policijski službenici Uprave policije MUP-a Kantona Sarajevo su u mjesecu novembru 2022. godine kontrolisali 42 migranata, od čega tri nisu posjedovala registracijski obrazac, dva su predana službi za poslove sa strancima radi registracije i osam je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI NA PODRUČJU KANTONA SARAJEVU U NOVEMBRU 2022. GODINE

| MJESEC NOVEMBAR 2022. GODINE | KANTON SARAJEVO |
|--|-----------------|
| UKUPAN BROJ MIGRANATA KOJI BORA VI NA PODRUČJU KANTONA SARAJEVO (SLOBODNA PROCJENA I PODACI IOM-a) | 1.215 |
| UKUPAN BROJ KONTROLISANIH MIGRANATA | 42 |
| BROJ MIGRANATA LIŠENIH SLOBODE | 4 |
| BROJ KRIVIČNIH DJELA POČINJENIH OD STRANE MIGRANATA | 3 |
| BROJ PREKRŠAJA POČINJENIH OD STRANE MIGRANATA | 0 |
| BROJ INCIDENATA POČINJENIH OD STRANE MIGRANATA | 3 |
| BROJ MIGRANATA KOJI SU VRAĆENI IZ SUSJEDNIH DRŽAVA | 0 |
| BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA | 0 |
| BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA | 10 |